

**Endurrit**  
**Úr þingbók Áfrýjunardómstóls GSÍ.**

Ár 2003, mánudag 24. nóvember kl: 1600 komu neðanskráðir dómendur Áfrýjunardómstóls GSÍ, þeir Kristján Einarsson, Sveinn Snorrason og Þorsteinn Svörfuður Stefánsson, saman til fundar í skrifstofu Golfsambandsins í Íþróttamiðstöðinni í Laugardal í Reykjavík.

Tilefni fundar dómenda er kæra sóknaraðila, Suphit Donanka, á úrskurði dómstóls GSÍ uppkveðnum 3. nóvember s.l. í kærumálinu nr. 1/2003: Suphit Donkana gegn Kristjáni Georgssyni. Af því tilefni var samþykkt eftirfarandi bókun:

“Svo sem fram kemur í kæru varðar deiluefnið ágreining um lögmæti við framkvæmd golfkeppni á vegum Golfklúbbs Ness hinn 21. maí 1998 og hvort kærandi hafi við þá framkvæmd verið svipt rétti, sem hún hafi átt til verðlauna. Hefur kærandi áður beint kröfum sama efnis í kærum til dómstóla íþróttahreyfingarinnar.

Hinn 20 september 2000 var kveðinn upp úrskurður í Dómstóli GSÍ þar sem staðfestur var frávísunarúrskurður Dómstóls ÍBR vegna kæru kærandi þessa máls á hendur ótilgreindum fjölda þáverandi eða fyrrverandi stjórnarmanna Golfsambandsins. Eins og fram kemur í kærinni til áfrýjunardómstólsins, en að öðru leyti meðvísan til forsendna úrskurðarins frá 20. september 2000, þá voru aðilar sammála um nauðsyn þess að skoða og meta fyrst hvort forráðamenn NK hafi brotið gegn kæranda við framkvæmd keppinnar 21. maí 1998, þar sem það hlaut að vera forsenda þess, að unnt væri að taka afstöðu til refsí- og réttindasmissskröfu kæranda á hendur stjórnarmönnum GSÍ. Í forsendum úrskurðarins þann 20. september 2000 var því bæði tekin efnisleg og formleg afstaða til þess ágreiningsatriðis sem kærumál þetta varðar. Af því leiðir, að þeir dómendur sem stóðu að úrskurði þessum víkja sæti án kröfu.

Stjórn Golfsambandsins er því falið að kveðja varadómendur til að fara með kærumál þetta og tilkynna það aðilum máls eða umboðsmönnum þeirra.”

Þannig fram farið.  
Fundi slitið kl: 1645.  
Kristján Einarsson (sign)  
Sveinn Snorrason (sign)  
Þorsteinn Sv.Stefánsson (sign)

Rétt endurrit staðfestir:  
Skrifstofa Golfsambands Íslands.

